



Pou Piblikasyon Imedya: 31/08/2022

GOUVÈNÈ KATHY HOCHUL

**GOUVÈNÈ HOCHUL ANONSE MONIMAN ISTORIK ETA NEW YORK YO PRAL  
LIMEN AN VYOLÈT EPI AN AJAN AN REKONESANS AK JOUNEN  
SANSIBILIZASYON SOU DÒZ EKSESIF ENTÈNASYONAL LA**

***Ekleraj la onore moun ki pèdi nan dòz eksef, sivivan dòz eksef yo ak founisè  
ki ede moun k ap lite ak adiksyon yo***

Gouvènè Kathy Hochul te anonse jodi a ke 14 moniman istorik ak pon atravè New York pral limen an vyolèt ak ajan jodi a an rekonesans ak [Jounen Sabsibilizasyon sou Dòz Eksef Entènasyonal](#) la. Evènman an, ke yo rekonèt atravè mond lan, konsantre sou mete fen nan dòz eksef ak estigma, sonje moun ki te mouri yo, ak rekonèt chagren fanmi ak zanmi kite dèyè.

"Menm jan ak twòp Nouyòkè, mwen te fè fas ak enpak devastatè adiksyon ak itilizasyon dwòg, mwen te pèdi yon manm fanmi nan yon dòz eksef ", **Gouvènè Hochul te deklare.** "Pandan n ap limen moniman istorik eta nou yo nan onè Jounen Sansibilizasyon sou Dòz Eksef Entènasyonal la, mwen ankouraje tout Nouyòkè yo pou yo rejwenn nou nan onore sivivan dòz eksef yo, sonje moun ki te pèdi lit yo ak adiksyon, epi selebre founisè swen sante ki sipòte moun k ap konbat kont adiksyon yo."

**Komisè Sante Eta New York la, Doktè Mary T. Bassett, te deklare,** "Nan Jounen Sansibilizasyon sou Dòz Eksef Entènasyonal la, nou reflechi sou lavi ki pèdi nan itilizasyon abi sibstans, rekonfòte moun ki nan lapenn, epi onore founisè ki gen konpasyon ki pran swen moun k ap soufri anba adiksyon yo. New York kontinye ap fè fas a yon kriz sante piblik grav pandan n ap wè plis dòz eksef ki soti nan fentanil, ewoyin ak lòt opyoyid yo. Nan kòmansman mwa sa a, mwen te bay yon lòd permanent ki pèmèt famasi atravè eta a bay Naloksòn ki kapab sove lavi san yon preskripsyon."

Naloksòn, yon medikaman ki kapab sove lavi ki ka fasil pou administre, ka ranvèse yon dòz eksef opyoyid epi li responsab pou anpeche plizyè milye lanmò ki lye ak dòz eksef. Medikaman an bloke efè opyoyid yo epi li pèmèt yon moun ki afekte rebran konesans epi rekòmanse respire. Lòd pèmanan famasi Dr. Bassett la fè li pi fasil pou fanmi yo ak kominote a jwenn Naloksòn, sa ki mennen nan plis opòtinite pou moun ki gen difikilte ak itilizasyon sibstans yo resevwa sèvis ak sipò.

**Komisè Biwo Sèvis ak Sipò pou Depandans (Office of Addiction Services and Supports, OASAS) Eta New York la, Chinazo Cunningham, te deklare,** "Jou sa a se yon rapèl sou bilan ke adiksyon kapab genyen sou lavi moun, fanmi, ak kominote yo. Pandan n ap obsève Jounen Sansibilizasyon sou Dòz Eksesif Entènasyonal la, li enpòtan pou nou rekonèt moun ki te afekte yo epi pou nou ofri sipò nou. Se yon moman tou pou nou renouvle angajman solid nou pou n travay ansanm pou sispann lanmò ki lye ak dòz eksesif atravè Eta New York. Nan kad efò sa a, OASAS ap kontinye efò nou pou pote sèvis ki kapab sove lavi nan tout zòn yo nan eta a, pou nenpòt moun ki te afekte nan maladi sa a kapab jwenn èd ak sipò ke yo bezwen."

Yo pral limen 14 moniman istorik ak pon sa yo an vyolèt ak ajan:

1. One World Trade Center
2. Pon Gouvènè Mario M. Cuomo (Governor Mario M. Cuomo Bridge)
3. Kosciuszko Bridge
4. Batiman SUNY H. Carl McCall lan
5. Batiman Edikasyon Eta a (State Education Building)
6. Batiman Alfred E. Smith State Office (Alfred E. Smith State Office Building) la
7. Empire State Plaza
8. Pak Ekspozisyon Eta - Pòtay Prensipal ak Sant Ekspozisyon
9. Chit Nyagara (Niagara Falls)
10. Pon Franklin D. Roosevelt nan Mid-Hudson
11. Tèminal Grand Central (Grand Central Terminal) la - Vyadik Pershing Square (Pershing Square Viaduct) a
12. Pòtay Entènasyonal Ayewopò Albany (Albany International Airport Gateway)
13. MTA Long Island Rail Road - Pasrèl nan Pwent Lès nan Penn Station
14. Pon Flotan nan Fairport (Fairport Lift Bridge) sou Kanal Erie a

Nan dat [14 ak 15 septanm 2022](#), rejwenn dezyèm Jounen anyèl Eta New York la pou Sansibilizasyon sou Dòz Eksesif ki patwone Depatman Sante (Department of Health, DOH) Eta a ak Biwo Sèvis ak Sipò kont Adiksyon an. Ou ka [aprann plis isit la](#) konsènan evènman.

###

Lèt nouvell disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418